


Årsmelding for Ålhus sokneråd 2023



Ålhus sokneråd frå oktober 2019 – oktober 2023

Medlemer:

Irene Muren Knapstad
Reidun Gravdal Nedrebø
Nina Årset Solheim
Ellinor Østenstad
Merete Oline Helgheim
Aud Anny Tveit Solheimsnes

Varamedlemer:

Arvid Tveit
Einar Helge Hansen
Laila Kristine A. Støfring
Magne Kristian Kvinge

Sokneprest: Silje Sørebo.

Leiar :

Nestleiar :

Medlemer til Sunnfjord kyrkjelege fellesråd:

Vassenden kyrkjesenter:

Irene Muren Knapstad

Nina Årset Solheim

Merete Oline Helgheim. Ålhus sokn,

vara: Irene Muren Knapstad

Astrid Aa. Feldt. Helgheim sokn

vara: Hildegunn Huus

Arvid Tveit frå soknerådet

Sverre Gjesdal frå kyrkjelyden

Ålhus sokneråd oktober 2023 - oktober 2027

Medlemer:

Annette Svidal Slåtten
Solveig Magnhild Steenslid Lesto
Ingeborg Bråttvik Slåtten
Bernt Kjøsnes
Inger Johanne Klakegg
Ingvill Marie Støfringstøl

Varamedlemer

Magne Kristian Kvinge

Børge Gjesdal

Eva Solveig Sunde

Alice Nesje

Sokneprest Silje Sørebo

Leiar:

Nestleiar:

Medlemmar til Sunnfjord kyrkjelege fellesråd:

Vassenden kyrkjesenter:

Annette Svidal Slåtten

Solveig Magnhild S. Lesto

Ålhus sokn :Bernt Kjøsnes

vara: Inger Johanne Klakegg

Helgheim sokn: Steinar

Dvergsdal

vara: Hildegunn Huus

Magne Kristian Kvinge

Vara: Børge Gjesdal

Sverre Gjesdal

Rådet sitt arbeid

I 2023 har Ålhus sokneråd handsama 38 protokollførde saker. I tillegg 48 saker i felles soknerådsmøte, Ålhus - og Helgheim sokn. Begge sokna ser positivt på å ha fellesmøte.

Av saker i 2023 nemner vi:

- Vikar for kyrkjetenar, klokkar og gjennomgang av klokkaroppgåver
- Juletefest 4.juledag
- Kyrkjevalet 2023
- Bruk av kulturmidlar frå OVF (Opplysningsvesenets fond) og trusopplæringsmidlar
- Kulturelle arrangement; kyrkjerottene, kyrkjesøndag med strandhogg ved Jølstravatnet, medarbeiderfest, konsert for inntekt av el-piano i kyrkjene i Jølster, Jazz på Jølst.
- Samarbeid med Vassenden kyrkjesenter
- Få i gang barneklubbarbeid; VaBa-klubben.
- Felles kyrkjelydspedagog i Sunnfjord
- Kyrkjelydstur

Faste saker kvart år: årsmelding, rekneskap, budsjett, møte- og gudstenesteplanar, offertildeling, fasteaksjon, kyrkjelydstur, konfirmantfest, 50- årskonfirmantjubileum, søknadar om støtte, løyvingar m.m.

Årsmøte i 2023 (mars) var i Ålhus kyrkje. Eksemplar vart lagt ut i begge kyrkjene og i tillegg digitalt.

Arbeid i soknet

Gudstenester og tidebøner

Det har vore ca ei gudsteneste i månaden på Vassenden kyrkjesenter og ei gudsteneste i månaden i Ålhus kyrkje. Vi har mange ulike typar gudstenester, både i kyrkja, ved grendahus og ute. Mange av desse gudstenestene er godt besøkte, men det verkar likevel som om talet på kyrkjegjengarar på vanlege gudstenester der det ikkje skjer noko spesielt går ned. Det er ikkje så mange av dei faste kyrkjegjengarane lenger.

Julaftangudsteneste og konfirmasjonsgudsteneste vart halde med 292 frammøtte på julaftan og 411 frammøtte på konfirmasjonsgudstenester (.På Vassenden og i Ålhus).

Soknerådsmedlemmer stiller som kyrkjevert på gudstenestene. Dei har pynta alteret med blomar, har delt ut salmebøker til dei vaksne og teiknesaker til borna. Etter dei aller fleste gudstenestene både i Ålhus og på Vassenden kyrkjesenter har det vore kyrkjekaffi. Konfirmantforeldre og soknerådsmedlemmer har stått for kakebaking og servering.

Klokkarane har ei viktig oppgåve under gudstenesta. Vi er glade for å ha Stina Sunde Kjos som klokkar i Ålhus sokn. Det er også veldig flott med dei som stiller frivillige

som klokkar når den faste klokkaren er forhindra. Her blant anna Annette Slåtten og Hemen Aman bidrege.

Ved dåpsgudstenester har fadrane delteke aktivt i gudstenestene, bl.a. med skriftlesing. Jølster har gode musikk- og songkrefter, og dei har vore nytta både i gudstenestene og i eigne arrangement (sjå kyrkjemusikalsk arbeid).

Konfirmantane er medhjelparar ved gudsteneste i løpet av konfirmanttida. Dei deltek blant anna i evangleieprosjekt og eventuelt ved forbøna eller nattverdsutdeling og hjelper kyrkjevertane

Av gudstenester med spesielt inviterte, eller med litt annleis preg, kan nemnast:

- Familiegudstenester i samband med trusopplæringstiltak (sjå nedanfor under trusopplæring)
- I fastetida var det bibeltimar og kvardagsgudstenester i ulike kyrkjer i Sunnfjord som eit samarbeid mellom kyrkjelydane i kommunen. På Vassenden var dette ein tysdag i mars med bibeltime av Rigmor Frøyen og påfølgene gospelkveld. Det var 78 frammøtte. Det har vore flest folk frå Naustdal, Førde og Gaular som har reist rundt på desse kvardagsgudsteneste, men få i frå Jølster (med unntak av gospelkvelden på Vassenden der det var godt med frammøte også frå Jølster). Kanskje kunne dette opplegget i fastetida vore kunnigjort betre i Jølster?
- Når det gjeld påskekudstenestene kan det nemnast at langfredagsgudstenesta dette året vart gjennomført på den måten at vi først hadde dåpssermoni i kyrkjerommet, så var det ein pause med kyrkjekaffe, og til slutt ein langfredagsvandring på kyrkjegarden. Songkvelden 2. påskedag, vart dette året gjort til eit familiearrangement, med deltaking frå barnekor/barnegospel og med påskeeggjakt (sponsa med egg frå Spar Jølstraholmen), påskeeggmåling for barna (ved Znesjana frå Ukraina) og med norsk kveldsmat, samt Ukrainsk og Eritreisk bakst.
- Vi hadde 17. mai gudsteneste både i Ålhus kyrkje og Vassenden kyrkjesenter også dette året. Nokre jenter frå barnegospel song på Vassenden. Det var ca 45 frammøtte i Ålhus og 75 frammøtte på Vassenden.
- Samtalegudstenesta for konfirmantane både i Ålhus sokn og Helgheim sokn er lagt fast til Vassenden kyrkjesenter. Like etter gudstenesta laga i år sokneråda til fest for konfirmantane.
- 6. juni var det gudsteneste med nye biskop i Bjørgvin Ragnhild Jepsen på Vassenden kyrkjesenter.
- Utegudsteneste i Sandalen med markering av skaparverkets dag i juni der Torbjørn Ljones preika og Andreas Ljones spelte fele (sjå nedanfor – meir om dette arrangementet på skaparverkets dag)
- olsokgudsteneste i Movika i samarbeid med Førde.
- Utegudsteneste ved Paulsvatnet i august med dåp og paulsmusikk av Jon Oddvar Kandal. Dette var Ålhus sokn si gudsteneste, men gudstenesta vart lagt til Paulsvatnet
- gudsteneste med konfirmantpresentasjon konfirmantar i Ålhus kyrkje (Merk at det ikkje var konfirmantjubileum for 50 års konfirmantar dette året sidan det ikkje var konfirmerte for 50 år grunna overgang frå haustkonfirmasjon til vårkonfirmasjon).
- familiegudsteneste med utdeling av 4 års bok der også gammalt sokneråd vart takka av og nytt sokneråd vart presentert.

- Gudsteneste i høve Jazz på Jølst i Helgheim kyrkje (samarbeid mellom Ålhus og Helgheim sokn, Rom for ord og Jølster litterære folkeakademi). Ine Hoem song og pianist Andreas Ulvo deltok. Soknepresten fortalte Ruts bok med tonefylgje frå Erlend Os.
- Minnegudsteneste på helgemessesundag med invitasjon til pårørande til dei som har vore gravlagd sidan sist helgemesse, for første gong hadde vi ei felles minnegudsteneste for heile Jølster. Dette året var den lagt til Ålhus kyrkje. Det var 63 frammøtte.
- gudsteneste føre jul for skulen på Vassenden kyrkjesenter, med 354 frammøtte og gode innslag frå skuleelevar.

Elles kan det nemnast at det har vore opa kyrkje og tidebøn på Vassenden kyrkjesenter kvar tysdag (utanom sommarferien). Tidebøna har vore kl 11, med ein kort liturgi (gjerne bønner som vert lesne som veksellesing og lesing frå Bibelen) og orgelmusikk. Her har vi dette året lest Apostelgjerningane, Efesarbrevet og har no begynt på Lukasevangeliet. Vi har også hatt kaffi/te med noko attåt i etterkant av tidebøna, med fast innslag av diktlesing frå Anne Helene Eide. I snitt er det ca 15 frammøtte på tidebøn.

Kyrkemusikalsk arbeid

Til konfirmasjonane var det som fleire år før, songinnslag ved Cathrin Hjelle Søvde og kornettspel av Anne Turid Taklo saman med organisten.

I ferietida skjer det ikkje så mykje på det kyrkjemusikalske, men dette året hadde vi sommarkonsert i høve det nye pianoet som er kjøpt inn til Ålhus.

Konserten vart halden i Ålhuskyrkja søndag 25. juni på ettermiddagstid.

Mykje folk møtte fram og ulike aktørar gjorde at dette vart ei fin oppleving. Solistar var Sevrine Søgnesand, song, og Mildrid Taklo spelte på cello, i tillegg SkeiVasskoret og Rune Molvik. God lyd sytte Ragnvald Søgnesand for. Det nyinnkjøpte pianoet fekk prøvd seg både til solospel, akkompagnering og til å leie den gode allsongen.

I Helgheim var det to høgdepunkt på hausten. I oktober i høve «Jazz på Jølst» der gudstenesta dette året var lagt til Helgheim – dette var ei songgudsteneste med salmane til Edvard Hoem i sentrum. Dotter til Edvard Hoem - Ine Hoem saman - med Andreas Ulvo på piano, var spesielt invitert til denne gudstenesta. Ei minnerik stund i kyrkja på Helgheim.

I desember var det også fleire konsertar i kyrkjene, med tilreisande og lokale aktørar – fleire av dei har gjort det til tradisjon å ha konsert i Jølster i adventstida.

I Ålhus kyrkje var det invitert til konsert med Jølster barnegospel. Dei song det meste av repertoaret dei har øvd inn i haust, inklusiv nokre advent- og julesongar. Foreldre, søsken og andre møtte opp for å høyre og sjå dei songglade i koret, trygt leia av Gerd Sunde Førde og Rune Molvik.

I Helgheim var det den tradisjonelle julekonserten 20. desember. Som før var Jølster Musikklag, SkeiVasskoret arrangør. Men det var også innslag av andre.

Vi nemner pianospel av Elisabeth Dalen, Raket Myklebust spelte blokkfløyte saman læraren sin. Aksel Roko Eide stod for songinnslag frå kulturskulen. Sevrine Søgnesand og Cathrin Hjelle Søvde med songinnslag, og Christine Marøy var solist saman med Musikklaget og organist Rune Molvik.

I år var Jølster Barnegospel med. Fint at alle aldersgrupper kan vere med.

Vassenden skulemusikk let juletonane klinge julaftan i Vassenden kyrkjesenter, og Hemen Bayene stod for songinnslaget. I Helgheim var kulturskuleeleven Håvard Furre Lunde hyra inn til å spele pianomusikk som Postludium.

Det har vore folkemusikk på utegudstenester, Andreas Ljones spelte fele i Sandalen, Fjellklang i Kjøsneshegen og paulsmusikk av Jon Oddvar Kandal, ved Paulsvatnet.

I tillegg kan vi nemne at det har vore songkveldar på Vassenden kyrkjesenter, der frivillige har vore ansvarlege for desse kveldane.

Anna arbeid/ andre arrangement i regi av soknet

- Kirkens nødhjelps fasteaksjon i april vart gjennomført som dør til dør aksjon
- Andakter/Songstunder på Vassenden Omsorgssenter med kaffi og prat. Kvar fyrste og tredje tysdag i månaden. Vikarprest Reidar Knapstad og diakon Ingvar Vagstad bidro i vår i tillegg til soknepresten. I haust har det vore Rigmor Frøyen (sokneprest i Naustdal) og sokneprest i Jølster som har byte på dette. Kantor er med kvar gong.
- Før påske var det ikkje tilbod om påskevandringar til Vassenden skulen pga mangel på kapasitet hos soknepresten. Vi håper å få tilbudd dette før påske 2024 slik det har vore før.

- Frå påske til pinse var ei påskevandring utstilt ved Helgheim kyrkje med bibeltekster og kunstbilete.

- Kyrkjebesøk for 1. klasse på Vassenden skule i juni med fokus på kyrkjerommet og kva det brukast til.
- Sokneråda i Jølster arrangerte kyrkjelydstur til Dragseidsspelet. Det vart ei våt og kald oppleving grunna vêret, men den var godt organisert og det var eit flott spel. Takk til Steinar Dvergsdal som hadde initiativet og Astrid og Vidar Feldt som var turleiingar.
- Det har vore fleire kulturarrangement i samarbeid med Jølster litterære folkeakademi og Rom for ord:
17.januar: «Styrken i det sårbare – samtale med tonefylgje». Vi fekk møte Per Arne Dahl i samtale med Inger Helene Nordeide. Hege Alme og Rune Molvik på song og piano. Helgheim sokneråd laga til måltid i midtgangen. Ca 120 fram møtte.

Søndag 11. juni: Vi markerte skaparverkets dag med eit heildagsprogram etter gudsteneste i Sandalen. Torbjørn Ljones, betre kjend som Kvitanesen, var saman med son og spelemann Andreas Ljones los og rodde jølstravatnet rundt og folk hadde mogelegheit til å møte dei ved ulike kulturstopp utover dagen. Første etappe gjekk tvers over Jølstravatnet frå Sandalen til Helgheim. Her var det omvising om kunsten i kyrkja ved blant anna Elsa Norunn Håheim

Nydal. Neste strandhoggvar på Ålhus med nonsmat i prestegarden og kulturhistorisk foredrag i kyrkja ved Fritjov Urdal. Siste etappe gjekk over vatnet til Hammarsbakken. Her vert det kveldsmat i løa hjå Ole Magnus Kapstad med forteljingar og foto frå gardslivet i tunet i tidlegare tider og kåseri av Kvitanesen.

- Julevandring for Ålhus-, Langhaugane- og Vassenden barnehage før jul i Ålhus kyrkje. Prest var på besøk i barnehagane i forkant av vandrainga.
- Juletefest på Vassenden kyrkjesenter med ca 120 frammøtte. Denne festen var for første gong gratis. Det nye soknerådet (med Annette i spissen) arrangerte ilag med bibelgruppa.
- Ålhus sokn gjorde i 2020 avtale med Normisjon om misjonsprosjekt i India. Der støttar vi eit prosjekt som heiter «Steinknusernes rettigheter» som handlar om å betre levevilkår for fattige arbeidarar i Steinindustrien og demme opp for dei negative ringverknadane som steinindustrien har på naturen. Prosjektet har no skifta namn til «Fred og forsoning i India». Vi har hatt to ofringar til dette prosjektet. Avtalen går ut ved utgangen av 2023: Soknerådet gjorde før nyttår vedtak om nytt misjonsprosjekt gjennom Stefanusalliansen i Egypt (Stefanusbarna og Anafora).
- Ålhus sokn er Grøn kyrkjelyd. Som kyrkje er vi kalla til å vere gode forvaltarar av skaparverket, noko som i vår kyrkjelyd m.a. kjem til uttrykk ved at:
Vi markerer Skaparverkets dag og andre gudstenester i undring og takksemnd over skaparverket.
Vi sorterer avfall.
Vi brukar mindre mengde papir ved gjenbruk av programhefte/ powerpoint
Vi deltek i fasteaksjonen til KN.
Vi har eit grønt misjonsprosjekt.
Vi går på pilgrimsvandring med konfirmantar og har engasjement for skaparverket som eit tema på Lys Vaken.
- Ålhus sokn har vennskapskyrkjelyd i Krizlice i Tsjekkia
- Det har vore songkveldar på Vassenden kyrkjesenter i regi av frivillige (bibelgruppa)

Arrangement i regi av andre

- Fleire konsertar av ulike kor og orkester, både på Vassenden kyrkjesenter og Ålhus kyrkje

Trusopplæring / Barne-og Ungdomsarbeid Kontinuerleg arbeid

Gerd Sunde Førde leiar barnegospel som er eit tilbod for 3. – 7 klasse. Rune Molvik akkompagnerer på piano. Dei har øvingar annakvar onsdag etter skuletid på musikkrommet på skulen.

I oktober var dei med på konsert i Førdehuset med gruppa «Naboen min» , der dei song i lag med barnekor frå Vassenden, Naustdal og Førde. I desember hadde dei ein flott julekonsert i Ålhus kyrkja i lag med barnegospel på Vassenden.

Det er i årsgjennomsnitt ca 11 born som kjem på øvingane på Skei (ca 7 i vår og 16 i haust). Alt i alt har minst 19 born vore innom i løpet av året.

Konsertar har dei lag med borna i barnegospel på Vassenden. Dei har hatt eigen sommarkonsert og julekonsert. Dei har vore med på familiegudsteneste med basar på Skei misjonshus, påskesongkveld på Vassenden, Lys våkengudsteneste på Vassenden og den store julekonserten i Helgheim kyrkje.

I vår var det også kor for mindre barn på Vassenden kyrkjesenter. I snitt ca 12 på øvingar annakvar tysdag. Med song, leik og dans. Det har vore Erlend Os og Silje Sørebo som har leia dette arbeidet.

I haust gjekk dette tilbodet over til barneklubb (VaBa-klubb). Annakvar måndag har vi hatt VaBaklubb med forteljing, song, hobbyaktivitet. Renate Kvammen, Mari Håland, Silje Sørebo, Erlend Os og Andrine Lundekvam og gjennomført dette ilag. Det har vore i mellom 15 og 20 barn på samlingane. 30 har vore innom. Dei fleste er barnehagebarn, men også nokre få skulebarn.

Konfirmantmedhjelparar har vore til god hjelp på samlingane. Barnegospel vart også starta

Tidsavgrensa tiltak

Takka vere eit aktivt trusopplæringsutval har vi dette året fått gjennomført alt av planlagde tiltak i trusopplæringsplanen. Alle born i alderen 0-11 år har fått ein invitasjon til minst eitt trusopplæringstilbod dette året.

Vi manglar tilbod til 12- og 13-åringane

Soknepresten har gjennomført dåpssamtalar med alle dåpsforeldre. Alle døypte får dåpslys og dåpsplakat. Boka Arvegull som vi tidligare ga til dåpsforeldre har vi byta ut med ei dåpsminnebok som vi har fått gode tilbakemeldingar på.

I kyrkja står det eit dåpstre, der vi heng opp ei lita tredue for kvart barn som blir døypt. Dette er ei påminning til kyrkjelyden om å be for barna, og dua vil seinare bli gitt tilbake til barnet.

Det var invitert til babysong på Vassenden kyrkjesenter både på våren og hausten. Oppmøte har vore varierende, men det er alltid nokon som kjem og i haust har det vore ei god gruppe (ca 7 i snitt)Soknepresten leiar samlingane (kyrkjelydspedagog i Førde ,Gry Sætre, har steppa inn når Silje har vore forhindra). Erlend Os har spelt til mange av samlingane. Solveig Magnhild Lesto har stått for kaffi og mat ved babysong heile året. Ein stor takk til ho som har gjort dette i fleire år.

I starten av november inviterte vi alle 2 og 3 åringar i Jølster til Trygg til natta-gudsteneste i Helgheim med drama om Berta og Bestemor og kveldssongar og bønner. 2- åringane fekk utdelt dåpsduene sine i lag med ein bønneplakat med «Eg faldar mine hender små. 3- åringane fekk ein sprelleengel med kveldsbønner på. Etter samlinga i kyrkjerommet var det kveldsmat og leik. Ei hyggeleg samling, men dessverre svært få 3-åringar som kom dette året.

Samlingane for fireåringane i Jølster med utdeling av 4-årsbok hadde Helgheim og Ålhus kvar for seg. I Ålhus var laurdagssamling på Vassenden kyrkjesenter og gudsteneste med bokutdeling på søndagen.

Alle 5-åringane i Jølster vart invitert til hausttakkefest på speidarplassen på Skei der dei fekk utdelt matboksar med «O du som metter liten fugl» og plakat med ulike bordbøner. Etter gudstenesta var det utlodning til inntekt for speidaren og speidaren sin globalaksjon, og høve til grilling og natursti. Dessverre kolliderte arrangementet med fotballturnering på Skei, men likevel var vi ganske bra med folk samla (men ikkje så mange barn frå Ålhus sokn).

Gudstenestene med bokutdeling til 6 åringane hadde Helgheim og Ålhus kvar for seg. I Ålhus sokn hadde 6- åringane ei samling i forkant på Vassenden kyrkjesenter etter skuletid. Søndagen etter (1. søndag i advent) var det familiegudsteneste med bokutdeling i Ålhus kyrkje.

6- og 7-åringane fekk innbyding til juletreff på Vassenden kyrkjesenter. Berre 3 av 6- og 7-åringane møtte.

Påskesamlingar for 8-åringar: Barna vart invitert til to samling etter skuletid på Vassenden kyrkjesenter og deretter palmesøndagsgudsteneste i Helgheim kyrkje med utdeling av Barnesalmeboka.

Tårnagenthelga for alle 9-åringar i Jølster er stasjonert i Helgheim kyrkje. Tårnet, kyrkjeklokkene og kyrkja sin bursdag er sentralt i opplegget som går over to dagar, laurdag og søndag.

Kode B: 10-åringane vart invitert til to kvardagssamlingar på Vassenden kyrkjesenter, og utdeling av «Actionbibelen» i familiegudsteneste i Ålhus kyrkje. Det var tydeleg at 10 åringane syns at actionbibelen verka meir spennande enn Det nye testamentet som vi har delt ut tidligare.

Lys Vaken: 10- og 11-åringar frå heile Jølster vart invitert til Lys Vaken leir (frå laurdag kl.16 – til etter gudsteneste søndag) på Vassenden kyrkjesenter midt i november i samarbeid med speidargruppa. Dette vart eit populært tilbod med meir enn 40 påmeldte. Speidarleiarar og trusopplæringsutval bidrog som leiarar i lag med nokre russejenter. Foreldre stilte opp som kjøkkenhjelp og nattevakter. Soknepresten hadde hovudansvar i lag med Andrine Lundekvam. Barna bidrog i gudstenesta og hadde utlodning med gjenbruksgevinstar på kyrkjekaffien etter gudstenesta. Inntektene gjekk til kyrkjelydens grønne misjonsprosjekt i India.

Oppslutning om konfirmasjon er framleis høg. Soknepresten har hovudansvar for konfirmantane. For konfirmantkullet som skulle konfirmerast i 2023 var det på våren klubbkveldar, konfirmantleir på Alværa i lag med konfirmant frå Naustdal, fasteaksjon, samtalegudsteneste og konfirmantfest og konfirmasjonar i begge kyrkjene. Dette kullet har også hatt eit tilbod etter konfirmanttida med konfirmanttreuinon i juni i prestegardshagen på Ålhus i lag med Naustdal, filmkveld på Førde kyrkjetun i september og leir for 10 klassingar på Alværa i lag med Naustdal med over 40 påmeldte.

I august (som i dei tre tidlegare åra), veka før skulestart, vart det arrangert introkurs for nye konfirmantar. På dette kurset hadde Silje med seg ungdomsprest i Sunnfjord, Fredrik Brattvik. Konfirmantane frå Helgheim og Ålhus var samla på dagtid gjennom fire dagar. Dei var to dagar Vassenden kyrkjesenter, ein dag i Helgheim kyrkje og ein dag var dei på pilegrimsvandring frå Årdalen til Ålhus kyrkje. Den eine dagen då dei

var på Vassenden, var det mogelegheit til å låne kajaker frå campingen. I løpet av hausten var konfirmantane inviterte til tre klubbkveldar på Vassenden kyrkjesenter. Russejenter har vore med som leiar i lag med Silje og foreldre har bidrege på kjøkkenet. Det har vore leigd sal i hallen på Vassenden, slik at konfirmantane har vore der på starten nokre av kveldane. Så har dei etterpå gått til kyrkjesenteret for måltid, før ein har avslutta med samling i kyrkjerommet. I tillegg til klubbkveldane var konfirmantane i oktober på konfirmantfestival på Sande. Denne festivalen er i regi av prostiet/KFUK-KFUM og er ny av året. Den har tatt over for det som før var nattcup. Her møtte dei eit ungdomsteam frå bispedømmet («samanteamet»), og dei kunne delta i mange ulike aktivitetar og var med på globallop. Alle konfirmantane var også samla til lysmesse 1. søndag i advent i lag. Elles har konfirmantane vore medhjelparar ved gudstenester og ved barneklubb på Vassenden kyrkjesenter og på Skei misjonshus. No denne våren 2024 ventar m.a. fasteaksjon, klubbkveld i Naustdal og konfirmantleir på Alværa i lag med Naustdalkonfirmantane.

I tillegg til desse tiltaka vedtok også sokneråda i Jølster å invitere alle barn i Jølster til førestilling med kyrkjerottene på Vassenden kyrkjesenter i mars. Det var 78 frammøtte på dette arrangementet, mest barn mellom 3 og 6 år som hadde fått utdelt invitasjon og familiane deira.

Vi har generelt god oppslutnad om trusopplæringstiltaka, men vi ser at tiltak som er felles for heile Jølster har lavare oppmøte prosentvis.

Trusopplæringsutvalet, kyrkjelydspedagog, kyrkjarbeidar, soknerådsmedlemmer, prest, kantor, føresette, besteforeldre og frivillige har teke del i trusopplæringsarbeidet og konfirmantarbeidet. Ein stor takk til alle som har bidrege, og spesielt til medlemmene i trusopplæringutvalet som har gjort ein stor innsats med å gjennomføre ulike tiltak.

Utval

Trusopplæringsutval frå Ålhus sokn: Mari Stubhaug Håland, Reidun Gravdal Nedrebø, Rune Molvik, Silje Sørebo, Gerd Sunde Førde

Nytt for perioden Ingeborg Bråttvik Slåtten, Gry Ingjerd Øksendal, Rune Molvik, Gerd Førde Sunde og Silje Sørebo

Kontakt for Kirkens Nødhjelp: Aud Anny Tveit Solheimsnes. Frå november 2023 var Alice Nesje valt som ny kontakt.

Informasjonsarbeid

Felles gudstenesteannonsar som Firda hadde i laurdagsavisa, er ikkje lenger og, Firda har ikkje laurdagsavis. I staden er «Det skjer» tilbake i Firda. Her legg vi inn gudstenester og annan aktivitet i Kyrkjene i Jølster. Eit lite utdrag kjem i papiravisa. Bruk Firda si nettside, »Det skjer» dersom du har den,» der står det alt vi skriv inn. Vi må også bruke andre kanalar for å nå ut til folk med kva som skjer i kyrkjene, aktivt.

Hyrdringrøysta vil framleis vere ein viktig kanal, i lag med plakatar, nettside og facebookside.

Sekretær Toril /eller webansvarleg for Sunnfjordkyrkja Joy Taylor sørgjer for at nettsida (kyrkja.no/jolster) og kyrkja.no/sunnfjord er oppdatert. Sekretær Toril og prest Silje oppdaterer Facebooksida (kyrkjene i jolster) og legg inn kommande arrangement, samt lagar og heng opp plakatar på oppslagstavler.

Men det er også viktig at soknerådsmedlemmer og andre i kyrkjelydane er med å gjere arrangementa kjent og dele på facebook og andre aktuelle informasjonskanalar.

Hyrdingrøysta

Redaksjon: Hildegunn Huus og Ingrid Søyland.

Soknerådet vil takke for godt utført arbeid. De gjer ein kjempejobb med å tenkja ut stoff, få villige personar til både å skrive og delta med ulike innslag. Ny i redaksjonen er Ingrid Søyland.

Vi ynskjer henne velkomen, og er glad for at ho sa ja til vervet.

Sunnfjord kyrkjelege fellesråd har teke over rekneskapen til Hyrdingrøysta.

Økonomien i bladet er bra. Framleis er det få i høve til kor mange som får bladet, som betalar frivillig kontingent. Det har vore til god hjelp at mange har vore villige til å køyre rundt i grendene og leggja bladet i postkassane. Har på den måten spart utgifter til porto. Dette tiltaket er med å sikre økonomien til bladet.

Tusen takk til dykk for denne viktige dugnaden.

Vassenden kyrkjesenter

Samarbeidet med Vassenden kyrkjesenter har fungert godt. Huset er svært praktisk både for barn, ungdom og vaksne til dei ulike aktivitetane i kyrkjelyden. Og er såleis ein viktig møteplass

Frå 31.12.2021 var stiftinga Vassenden kapell avvikla og foreininga under namnet Vassenden kyrkjesenter etablert.

Foreininga si oppgåve er å eige og drive kyrkjesenteret. Foreininga er skipa for å ivareta oppgåva som stiftinga Vassenden kapell hadde.

Kyrkjesenteret skal fungere som arbeidskyrkje for heile Ålhus sokn, dekke gravferder for dei som soknar til Vassenden gravplass og lokalt dekke kyrkje- og misjonsarbeid for Vassenden-området.

Kyrkjesenteret skal og vere ein god kontorarbeidsplass for kyrkjeleg tilsette i Jølster.

Foreininga Vassenden kyrkjesenter er open for alle som deltek i dugnadarbeid for å drive Vassenden kyrkjesenter.

Medlemskap i foreininga er berre ope for medlemmer i Den norske kyrkja i Ålhus sokn og medlemmer i Vassenden Normisjon

Statistikk 2023

Ålhus sokn	2023	2022	2021	2020
Innmelde i kyrkja	1	1	1	0
Utmelde av kyrkja	2	6	1	2
Døypte	15	15	22	9
Døypte heimehøyrande i soknet	13	15	20	8
Vigde	7	5	2	2
Gravlagde	15	15	9	9
Konfirmerte	17	29	22	29
Tal gudstenester søn- og helgedagar	36	29	30	28
Tal gudstenester utanom søn-og helgedagar *	42	45	46	42
Deltakarar på gudstenester, søn-og helgedagar	2215	2135	1996	2221
Deltakarar på gudstenester, utanom søn-og helgedagar *	1227			
Gudstenester med nattverd	22	18	6	8
Nattverdsgjester	576	315	97	242
Familiegudstenester	8	8	5	5
Deltakarar	731	818	262	285
Julevandring for barnehagane	1	1	0	1
Deltakarar	50	50	0	50
Skulegudsteneste	1	1	0	1
Deltakarar	354	350	0	350
Musikk gudstenester	2	2	3	6
Deltakarar	97	90	170	280
Offer / kollekt i kyrkja	76418	62988	45385	31368

*Vi har tidebøner i kyrkja stort sett kvar veke, derfor vert antall gudstenester utanom søn-og helgedagar høgt



Informasjon frå Kyrkjeverje.

Vi fekk rekneskap for Ålhus sokn frå rekneskapsavdelinga i Sunnfjord Kommune i veke 9. rutinen då er at eg signerer og vidaresender til revisor. Det er gjort. Det kan leggjast fram for årsmøtet til orientering.

Med venleg helsing
Sissel Vartdal
Kyrkjeverje Sunnfjord
Mobil: + 47 48 99 12 57

Rekneskap Ålhus sokn 2023

Rekneskap og notar Ålhus sokn

Rekneskapsskjema – driftsrekneskapen:

Regnskapsskjema - Driftsregnskapet	Regnskap	Reg. budsjett	Oppr.budsjett	Regnskap i fjor
Inntekter				
1 Brukerbetaling, salg, avgifter og leieinntekter	140 025	155 000	155 000	193 226
2 Salg av driftsmidler/fast eiendom	-	-	-	-
3 Refusjoner/overføringer	-	-	-	20 000
4 Kalk. inntekt ved komm. tj.ytingsavtale	-	-	-	-
5 Statlige tilskudd	-	-	-	-
6 Tilskudd fra rettssubjektet Den norske kirke	-	-	-	-
7 Rammeoverføring/tilskudd fra egen kommune	-	-	-	-
8 Tilskudd fra soknets organer	42 900	28 000	28 000	104 725
9 Andre tilskudd, gaver, innsamlede midler	123 364	129 000	129 000	123 525
10 Sum driftsinntekter	306 289	312 000	312 000	441 476
Utgifter				
11 Lønn og sosiale utgifter	-	-	-	-
12 Kjøp av varer og tjenester	228 993	220 000	220 000	319 058
13 Refusjoner/overføringer	18 181	41 000	41 000	39 617
14 Kalk. utg. ved komm. tj.ytingsavtale	-	-	-	-
15 Tilskudd og gaver	68 495	100 000	100 000	98 498
16 Sum driftsutgifter:	315 668	361 000	361 000	457 174
17 Brutto driftsresultat:	- 9 379	- 49 000	- 49 000	- 15 697
18 Renteinntekter og utbytte	440	-	-	238
19 Mottatte avdrag på utlån	-	-	-	-
20 Renteutgifter og låneomkostn.	-	-	-	-
21 Avdrag på lån	-	-	-	-
22 Utlån, kjøp av aksje, andeler o.l.	-	-	-	-
23 Netto finansinntekter/-utgifter	440	-	-	238
24 Avskrivninger	-	-	-	-
25 Motpost avskrivninger	-	-	-	-
26 Netto driftsresultat	- 8 939	- 49 000	- 49 000	- 15 459
Interne finansieringstransaksjoner:				
27 Bruk av udisponert fra tidl. år (mindreforbruk)	32 869	32 869	-	18 305
28 Bruk av disposisjonsfond	-	-	-	-
29 Bruk av bundne fond	46 319	49 000	49 000	90 063
30 Sum bruk av avsetninger	79 188	81 869	49 000	108 368
31 Avsatt til dekning fra tidligere år (underskudd)	-	-	-	-
32 Avsatt til disposisjonsfond	32 869	32 869	-	18 305
33 Avsatt til bundne fond	20 000	-	-	41 734
34 Overført til investeringsregnskapet	-	-	-	-
35 Sum avsetninger	52 869	32 869	-	60 039
36 Merforbruk / Mindreforbruk	17 380	-	-	32 869

Rekneskapsskjema – balanserekneskapen:

BALANSE	Regnskap 2023	Regnskap 2022
EIENDELER:		
A - Anleggsmidler		
Faste eiendommer og anlegg	-	-
Utstyr, maskiner og transportmidler	-	-
Utlån	-	-
Aksjer og andeler	-	-
B - Omløpsmidler		
Kortsiktige fordringer	5 774	28 114
Aksjer og andeler	-	-
Sertifikater	-	-
Obligasjoner	-	-
Kasse, bankinnskudd	484 741	441 006
C - SUM EIENDELER:	490 516	469 119
EGENKAPITAL OG GJELD:		
D - Egenkapital		
Disposisjonsfond	322 917	230 022
Bundne driftsfond	123 743	210 088
Ubundne investeringsfond	-	-
Bundne investeringsfond	-	-
Endring i regnskapsprinsipp som påvirker AK (investering)	-	-
Endring i regnskapsprinsipp som påvirker AK (drift)	-	-
Regnskapsmessig mindreforbruk	17 380	32 869
Regnskapsmessig merforbruk	-	-
Udisponert i investeringsregnskapet	-	-
Udekket i investeringsregnskapet	-	-
Kapitalkonto	-	-
Gjeld		
E - Langsiktig gjeld		
Ihendehaverobligasjonslån	-	-
Sertifikatlån	-	-
Andre lån	-	-
F - Kortsiktig gjeld		
Kassekredittlån	-	-
Annen kortsiktig gjeld	26 476	3 860
G - SUM EGENKAPITAL OG GJELD:	490 516	469 119
Memoriakonti		
Ubrukte lånemidler	-	-
Andre memoriakonti	-	-
Motkonto for memoriakontiene	-	-

Notar til rekneskapen Ålhus sokn 2023

Soknet sitt rekneskap er ført i samsvar med Forskrift om økonomiforvaltning i sokn i Den norske kirke fastsett av barne- og familiedepartementet 08.12.2020 og god kommunal rekneskapsskikk.

1. Anleggsmiddel

For kvar gruppe av varige driftsmiddel skal det opplyst om avskrivingsperiodar. For kvar gruppe av varige driftsmiddel skal det opplyst om balanseført verdi ved inngangen av året, årets tilgang, avgang, avskrivningar, nedskrivningar og eventuelle reverseringar, og balanseført verdi ved utgangen av året.

Ålhus sokn har ikkje anleggsmiddel.

2. Fond Spesifikasjon over samla avsetningar og bruk av avsetningar i rekneskapsåret, samla og for den enkelte fondstype.

	Disposisjons fond	Bunde driftsfond	SUM: 2023
Saldo pr 01.01:	230 022	210 088	440 110
Avsetningar	32 869	20 000	52 869
Bruk av avsetningar	0	46 319	46 319
Korrigering av tidlegare års avsetjingar	60 026	-60 026	0
Saldo pr 31.12:	322 917	123 743	446 661

Det er i rekneskapen for 2023 flytta totalt 60 026 kroner i balansen frå bundne driftsfond til disposisjonsfond. Dette er midlar avsett på bundne fond tidlegare år som er frie midlar.

3. Strykingar

Føretekne strykningar av vedtekne avsetningar/bruk av fond, overføring drift/investering samt inndekning meirforbruk , jf. § 17

Det er ikkje føreteke strykningar i 2022. Rekneskapen er avslutta med eit mindreforbruk på 17 379,60 kroner.

4. Kapitalkonto

Samanfattande oversikt over transaksjonar som er ført mot kapitalkontoen i løpet av rekneskapsåret.

Ålhus sokn har ikkje kapitalkonto ved inngangen av 2023, og det er ikkje ført noko i 2023.

Rekneskapsansvarleg Sunnfjord Kommune
Terje Guddal

Kyrkjeverje i Sunnfjord kyrkjelege fellesråd
Sissel Vartdal

